

## SAMÞYKKT

### um sorphirðu og hreinsun opinna svæða í Mosfellsbæ.

#### 1. gr.

Mosfellsbær annast sorphirðu (sorpeyðingu og sorphreinsun almenns húsasorps) og hreinsun opinna svæða í Mosfellsbæ samkvæmt ákvæðum þessarar samþykktar. Sorphirða fer fram undir stjórn tækni- og umhverfissviðs Mosfellsbæjar og eftirliti Heilbrigðiseftirlits Kjósarsvæðis.

#### 2. gr.

Verktakar sem annast sorphreinsun samkvæmt samningi við Mosfellsbæ skulu hafa starfsleyfi heilbrigðisnefndar.

#### 3. gr.

Sérhverjum húsráðanda í Mosfellsbæ er skylt að nota þær aðferðir og ílát við sorpeymslu og -hreinsun sem bæjarstjórn, í samráði við heilbrigðisnefnd, ákveður.

#### 4. gr.

Sorpeymslur skulu vera aðgengilegar fyrir sorphirðumenn og standa sem næst aðkomu að lóð. Þær skulu staðsettar saman ef um fjölbýlishús er að ræða. Húsráðendur skulu halda tunnum hreinum og hreinsa snjó frá sorpeymslum á vetrum og halda greiðfærri leið að þeim, svo unnt sé að annast hreinsun.

#### 5. gr.

Mosfellsbær leggur íbúðum til sorpílat þegar breytingar eru gerðar á fyrirkomulagi sorphirðu, sbr. 3 gr. samþykktar þessarar.

Í sorpílatin má aðeins setja neysluúrgang, þ.e. venjulegt heimilissorp, í samræmi við nánari fyrirmæli sem kunna að verða sett um flokkun úrgangs, sbr. 3. gr. Ekki má setja í sorpílat mold, grjót, byggingarefni, garðaúrgang o.þ.h. Spilliefni, lyf og annar hættulegur úrgangur má ekki fara í sorpílat. Glerbrotum og öðrum oddhvössum hlutum, sem hætta er á að skaði þá sem meðhöndla úrgang eða sorpílat, skal pakkað inn eða gengið frá þeim á annan tryggilegan hátt. Gæta skal þess að fylla ekki sorpílatin meira en svo að auðveldlega megi loka þeim.

#### 6. gr.

Bæjarstjórn ákveður í samráði við heilbrigðisnefnd hversu oft sorphreinsun fer fram á vegum bæjarins.

#### 7. gr.

Spilliefnum, hættulegum úrgangi og öllum öðrum úrgangi en heimilissorpi skal skila á endurvinnslu- eða söfnunarstöð, sem hefur starfsleyfi heilbrigðisnefndar. Jarðvegsefnum skal komið fyrir á sérstökum losunarstað fyrir jarðvegsefni samkvæmt ákvörðun bæjarstjórnar á hverjum tíma.

#### 8. gr.

Fyrirtæki og stofnanir geta samið við þar til bærar aðila um að annast sorphirðu á þeirra vegum, enda greiði þau ekki sorphirðugjöld til sveitarfélagsins.

Mosfellsbær getur tekið að sér að annast sorphirðu fyrir fyrirtæki og stofnanir gegn greiðslu samkvæmt gjaldskrá sem sett er af bæjarstjórn og staðfest af umhverfisráðherra.

Frágangur og umgengni um sorpílat, svo og flutningur á úrgangi frá fyrirtækjum og stofnunum, skal vera í samræmi við fyrirmæli heilbrigðisnefndar.

## 9. gr.

Bæjarstjórn er heimilt að innheimta sorphirðugjöld fyrir sorphreinsun og sorpeyðingu á vegum bæjarins samkvæmt gjaldskrá sem umhverfisráðherra staðfestir. Gjöld skulu lögð á hverja fasteign sem nýtur framangreindrar þjónustu. Gjöld miðast við stærð og fjölda íláta, hvort um er að ræða flokkað eða óflokkað sorp og tíðni sorphirðu. Heimilt er að innheimta sorphirðugjöld hjá fyrirtækjum og stofnunum samkvæmt rúmmáli og/eða þyngd eða sérstöku samkomulagi við bæjaryfirvöld. Bæjarstjórn er heimilt að takmarka fjölda sorpíláta sem fylgja hverri fasteign.

## 10. gr.

Kvartanir vegna sorphirðu á vegum Mosfellsbæjar skal bera upp við starfsmenn áhaldahúss bæjarins. Telji viðkomandi sig ekki fá fullnægjandi úrlausn hjá bæjaryfirvöldum getur hann skotið málinu til heilbrigðisnefndar Kjósarsvæðis.

## 11. gr.

Brjótí húsráðandi ákvæði samþykktar þessarar um meðferð eða geymslu úrgangs skulu sorphirðumenn tilkynna það heilbrigðiseftirliti.

## 12. gr.

Ekki má henda rusli, garðaúrgangi eða sorpi á opin svæði, götur, gangstíga eða fjörur innan bæjarmarkanna, eða skilja númerslausa bíla og aðrar vélar eða tæki eftir á þessum stöðum.

Starfsmenn áhaldahúss Mosfellsbæjar hafa, í umboði heilbrigðisnefndar, eftirlit með því að hlutir séu ekki geymdir þannig að í bága fari við heilbrigðis- og mengunarvarnareglugerð. Þetta á t.d. við um númerslausar bifreiðar og bílflok, kerrur, báta, tæki og vinnuvélar. Í umboði heilbrigðisnefndar er þeim heimilt að fjarlægja slíka hluti að undangenginni viðvörðun sem límd hefur verið á tækið. Viðvörðunin skal auðkennd heilbrigðisnefnd.

Ákvörðun þar að lútandi er heimilt að skjóta til heilbrigðisnefndar.

## 13. gr.

Með brot á samþykkt þessari skal farið samkvæmt ákvæðum laga um hollustuhætti og mengunarvarnir nr. 7/1998.

## 14. gr.

Samþykkt þessi, sem er samin af heilbrigðisnefnd Kjósarsvæðis og samþykkt af bæjarstjórn Mosfellsbæjar, staðfestist hér samkvæmt 25. gr. laga nr. 7/1998 um hollustuhætti og mengunarvarnir og tekur gildi þegar við birtingu.

*Umhverfisráðuneytinu, 2. október 1998.*

F. h. r.

**Ingimar Sigurðsson.**

*Sigurbjörg Sæmundsdóttir.*